



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ԳՅՈՒՂԱՏՆՏԵՍԱԿԱՆ ՎԱՐԿԸ

Յ Ե Վ

Փ Ո Ւ Ո Գ Կ Ո Մ Ն Ե Ր Ը

ՀՐԱՏԱՐԱԿՈՒԹՅՈՒՆ ՀՍԽՀ ԳՅՈՒՂԱՏՆՏԵՍԱԿԱՆ ԲԱՆԿԻ

Յ Ե Ր Ե Վ Ա Ն — 1927



Գրառեպոստ 91բ.

Տիրաժ 1300.

Տպարան «Հերմես» Հրատարակչություն, Մարքսի փող. № 29.

ՀԱՐԳԵԼԻ ԸՆԿԵՐՆԵՐ!

Գյուղատնտեսութեան ամրապնդման և զարգացման հարցը ներկայումս առաջնակարգ խնդիրներէից մեկն է հանդիսանում: Վերածնվող գյուղացիական տնտեսութեան հետագա վերելքին նպաստելու համար Խորհրդային պետութեան կողմից ստեղծված է գյուղատնտեսական վարկի սիստեմը, վորի ստորին կազմակերպութիւնները տեղերում հանդիսանում են վարկային ընկերութիւնները:

Վարկային ընկերութիւնների նպատակն է եժան վարկ տալ աշխատավոր գյուղացիութեանն իր տնտեսութիւնը բարելավելու համար:

Բայց գյուղացիութեանը միայն փոխառութիւն տալը բավական չէ: Անհրաժեշտ է աշխատավոր գյուղացիութեան վարկավորման գործը դնել այնպիսի հիմքերի վրա, վոր կարիքավոր գյուղացին վոչ միայն վարկային ոգնութիւն ստանա, այլ և անհրաժեշտ է, վոր տրվող վարկը իր նպատակին ծառայի, գործադրվի գյուղացու տնտեսութեան վրա, և տնտեսութեանն ոգուտ տալով, միաժամանակ հնարավորութիւն ստեղծի նրա համար վերադարձնելու ստացած փոխառութիւնը:

Վարկային ընկերութիւնները տեղերում այդ աշխատանքը հաջողութեամբ կարող են կատարել այն դեպքում, յեթե գյուղում աշխատող կազմակերպութիւնները, և առաջին հերթին գյուղացիական հասարակական մարմինները ոգնութեան գան վարկային ընկերութիւններին: Այդպիսի հասարակական կազմակերպութիւններէից են մեր գյուղում գյուղացիական փոխադարձ ոգնութեան ընկերու-

թյունները, վոր գյուղացիական հասարակականության
զարգացման կարեւորագույն խթաններից մեկն են հան-
դիսանում և վորոնք ստեղծված են իրեն, աշխատավոր
գյուղացիության ձեռքով՝ գյուղի աշխատավոր տարրերին
ոժանդակություն ցույց տալու համար:

Գյուղացիական փոխադարձ ոգնության ընկերու-
թյունները հնարավորություն կունենան իրական աջակ-
ցություն ցույց տալու վարկային ընկերություններին այն
դեպքում միայն, յեթե այդ ընկերությունների և վարկա-
յին ստորին ցանցի միջև սերտ կապ ստեղծվի, յեթե գյու-
ղում գործող այդ կարևոր կազմակերպությունները մշտա-
կան շփումն ունենան միմիանց հետ:

Վարկային ընկերությունների և փոխօգկումների մեր-
ձեցման և համագործակցության խնդիրը վաղուց արդեն
ուշադրության եր արժանացել յերկու կազմակերպություն-
ների բարձրագույն մարմինների կողմից և իր լուծումն ե-
ստացել փոխօգկումների համահայաստանյան 2-րդ համա-
գումարի բանաձևում և ՀՍԽՀ Գյուղատնտեսական Բանկի
և Հայկենսփոխօգկումի միջև կնքված համաձայնագրում:

Ինչպես մատնանշված ե բանաձևում, այդպիսի մո-
տավոր կապ ստեղծելու համար անհրաժեշտ ե, վոր փոխ-
օգկումները և վարկային ընկերությունները փոխադարձա-
բար տեղեկություններ տան միմիանց իրենց գործունե-
յության, իրենց միջոցների, իրենց ծրագրների և մտա-
դրությունների մասին: Անհրաժեշտ ե, վոր փոխօգկումնե-
րը և վարկային ընկերությունների վարչությունները փո-
խադարձաբար զեկուցումներ տան միմիանց իրենց ժո-
ղովներում ու նիստերում, և պարզաբանեն այն բոլոր հար-
ցերը, վոր անմիջական կապ ունեն յերկու կազմակերպու-
թյունների գործունեյության հետ: Նմանապես անհրաժեշտ
ե, վոր վարկընկերությունների ընդհանուր ժողովներում
փոկերից ներկայացուցիչներ ընտրվեն վարկընկերություն-
ների վարչության և խորհրդի կազմի մեջ, ինչպես և փո-

Ալերի չքավոր անդամներից վստահություն վայելող ան-
ձինք առաջ քաշվեն վարկընկերությունների ղեկավար
մարմիններում:

Վորպեսզի վարկընկերությունների և փոկերի կապը
ամրապնդվի նաև ձևական հիմունքներով, անհրաժեշտ է,
վոր յուրաքանչյուր փոկ անդամագրվի վարկընկերությա-
նը: Վարկընկերությունները նոր անդամներ ընդունելիս,
պետք է առաջին հերթին ընդունեն փոկերի անդամներից:

Վարկային ընկերությունների համար շատ կարևոր է
իմանալ գյուղի աշխատավորության գլխավոր կարիքները,
ճանաչել ճշտապահ և պարտաճանաչ գյուղացիներին, վոր-
պեսզի նրա համեմատ ել վարկաբաշխում կատարեն, վո-
րովհետև վարկային ընկերությունը չի կարող իր սուղ մի-
ջոցներից վարկ տալ անբարեխիղճ գյուղացուն, վորը ժա-
մանակին չի վերադարձնի ընկերության գումարները և
դրանով կը զրկի իր հարևանին վարկային ոգնությունից:
Իսկ այդպիսի տեղեկություններ գյուղացիների մասին ա-
մենից լավ կարող է տալ փոխոգկոմը, վորը լավ ճանա-
չում է իր անդամներին: Ի հարկե, դրանից բնավ չը պետք
է յեզրակացնել այն, վոր փոկերը կարող են միջամտել
վարկային ընկերությունների գուտ գործառնական աշխա-
տանքներին: Այդ հարցի մանրամասն պարզաբանությունը
տրված է բանաձևում, վորի վրա առանձնապես հրավի-
րում ենք Ձեր ուշադրությունը:

Բայց այդ բոլորը բավական չէ: Վորպեսզի գյուղա-
տնտեսության վարկավորման գործը կանոնավոր հիմքերի
վրա դրվի, վորպեսզի վարկավորման աշխատանքների աս-
պարիզում յերկվություն չը լինի, և գյուղացիությունը
ժամանակին վերադարձնի իր վերցրած փոխատվություն-
ները, յերկու կազմակերպությունների ղեկավար մարմին-
ները փոխադարձ համաձայնությամբ վորոշել են՝ 1. Փոխ-
ոգկոմների ժամանակավորապես ազատ միջոցները կեն-
տրոնացնել վարկային ընկերություններում, իբրև ավանդ,

մի հանգամանք, վորը մի կողմից կը նպաստի վարկընկերությունների ֆինանսական դրության ամրապնդմանը, և մյուս կողմից կապահովի փոկերի միջոցները կորստից և միաժամանակ շահ կը տա նրանց. 2. Նույն նպատակով բեալիզացիայի յենթարկել փոկերի տրամադրության տակ յեղած ապրանքները և դրանից գոյանալիք գումարները ավանդ մուծել վարկընկերությունները, ըստ վորում բեալիզացիայի աշխատանքներին վարկընկերությունները պետք է առանց վարձատրության լայն աջակցություն ցույց տան, 3. Վոր վարկընկերությունները, վարկաբաշխում կատարելիս, նկատի առնեն փոկերի ցուցմունքներն այդ մասին և մյուս կողմից փոկերն իրենց վարկային աշխատանքը կատարեն վարկընկերությունների ապարատի միջոցով, վորպիսի խնդիրը մանրամասն պարզաբանված է բանաձևի և համաձայնագրի մի շարք կետերում, 4. Վոր ընկերությունները ձևակերպեն փոկերի տված ժամկետանց փոխատվությունները և գանձեն այն:

Համաձայնագրում առանձին տեղ է գրավում գյուղի չքավորության վարկավորման խնդիրը: Այդ առթիվ վորոշված է նախ՝ չքավորական ֆոնդի բաշխման հանձնաժողովների մեջ ընտրել փոկերի ներկայացուցիչներից, յերկրորդ՝ վոր փոկերն իրենց միջոցներից վորոշ գումար մուծեն չքավորական ֆոնդը, յորրորդ՝ վոր փոկերն իրենց չքավոր անդամների փոխարեն փայավճար մուծեն Վարկընկերությունները և չորրորդ՝ վոր փոկերը հսկեն, վոր իրենց անդամները ընկերություններից ստացած փոխատվությունները իրենց նպատակին ծառայեցնեն և ժամանակին ել վերադարձնեն այն: Այնուհետև վորոշված է, վոր փոկերն իրենց մի շարք բանկային բնույթ կրող գործառնությունները, և մասնավորապես փոխադրական գործառնությունները կատարեն վարկընկերությունների միջոցով:

Բացի դրանից, մենք դիտենք, վոր շատ տեղերում

վարկային ընկերություններին կից գործում են զանա-
զան արտադրական ձեռնարկություններ (տրակտորային
բազա, սերմգտիչ կայաններ, վերանորոգող արհեստանոց-
ներ և այլն), իսկ մյուս կողմից նման ձեռնարկություն-
ներ գոյություն ունեն փոխոգկոմիներին կից, վոր նպա-
տակ ունեն հարմարություններ ստեղծել գյուղացիության
համար՝ նրանց գյուղատնտեսական աշխատանքների ըն-
թացքում: Վորպեսզի այդ ձեռնարկությունները լայն չա-
փով ռգտագործվեն գյուղի չքավորության կողմից, ան-
հրաժեշտ է, վոր փոխոգկոմիներն ոգնություն հասցնեն ի-
րենց անդամներին այդ հարցում գյուղություններ տալով
նրանց այդ ձեռնարկություններից ոգտվելու համար: Մյուս
կողմից, վարկային ընկերությունները պետք է հնարա-
վորության սահմաններում վարկավորեն փոխոգկոմիներին
կից գործող այն արտադրական ձեռնարկությունները, վո-
րոնք կազմակերպված են փոխոգնության և հասարակա-
կան աշխատանքների հիմունքներով՝ նրանց աշխատանք-
ներին զարկ տալու նպատակով: Միաժամանակ անհրա-
ժեշտ է, վոր այն վայրերում, վորտեղ վարկային ընկե-
րությունները կամ փոխոգկոմիները արտադրական ձեռնար-
կություններ ունեն, հակառակ կողմերը չը ստեղծեն նման
ձեռնարկություններ, նպատակ ունենալով այդ աշխա-
տանքի ասպարիզում յերկվությունից խուսափելը:

Այսպիսով, վորպեսզի գյուղի չքավորության վարկա-
վորման գործը ամուր հիմքերի վրա դրվի, վորպեսզի այդ
աշխատանքը հաջողությամբ պսակվի, անհրաժեշտ է վար-
կային ընկերությունների և փոխոգկոմիների համերաշխ
գործակցությունը, նրանց միահամուռ ջանքերը աշխա-
տավոր գյուղացիության տնտեսական դրությունը բարե-
լավելու համար:

Իսկ այդ նպատակն իրագործելու համար, անհրաժեշտ
է, վոր վարկային ընկերությունները և փոխոգկոմիները
ճշտությամբ կատարեն այն վորոշումներն ու փոխադարձ

պարտավորությունները, վոր ընդունել են Հայաստանի
Գյուղատնտեսական Բանկը և փոխոգկումների կենտրոնա-
կան կոմիտեն: Ի կատարումն փոխոգկումների համահա-
յաստանյան 2-րդ համագումարի վորոշումների, տեղերում
ծագելիք վիճելի հարցերի առթիվ անհրաժեշտ ե դիմել
յերկու կազմակերպությունների ղեկավար կենտրոններին
բացատրություն ստանալու համար:

ՀՍԽՀ Գյուղատնտեսական
Բանկի Վարչության Նա-
խագահ Ռ. ՍԱՃԻՍԱԶԲԵԳՅԱՆ

Սոցապժողկոմ յեվ Հայ-
կենսփոխոգկումի Նախա-
գահ Խ. ՀՈՎՍԵՓՅԱՆ

ՓՈԽՈԳԿՈՄՆԵՐԻ ՀԱՄԱՀԱՅԱՍՏԱՆՅԱՆ ՅԵՐԿՐՈՐԴ ՀԱՄԱԳՈՒՄԱՐԻ ԲԱՆԱԶԵՎԸ „ԳՅՈՒՂԱՏՆՏԵՍԱԿԱՆ ՎԱՐԿԻ ՍԻՍՏԵՄԸ ՅԵՎ ՓՈԽՈԳԿՈՄՆԵՐԸ“ ԶԵԿՈՒՑՄԱՆ ԱՌԹԻՎ

Գյուղի չքավոր շերտերի տնտեսությունը վերականգնելու և զարգացնելու գործում փոխոգկոմիներն ու գյուղավարկի սիստեմը, վերջին հաշվով մի հիմնական նպատակ են հետապնդում՝ ի մի համախմբել չքավորության տնտեսական ոժանդակմանը նպաստող բոլոր ջանքերը, դնելով նրանց տնտեսական վերելքը զարգացման սոցիալիստական հունի մեջ:

Առաջադրված խնդիրներն իրագործելու նպատակով անհրաժեշտ է այդ յերկու մարմինների կենտրոնական և տեղական կազմակերպությունների փոխադարձ սերտ կապը: Այս նպատակին հասնելու համար, փոխադարձ ոգնության գյուղացիական ընկերությունների համահայաստանյան 2-րդ համագումարը ընդգրծում է հետևյալ անհրաժեշտ միջոցները:

1. Ստեղծել տեղերում ինֆորմացիոն ձևի փոխադարձ զեկուցումների կարգ, ըստ վորում վարկային ընկերությունների վարչությունները զեկուցումներ են անում փոխոգկոմիների և փոկընկերությունների ժողովներում, իրենց հերթին փոխոգկոմիներն ել իրենց գործունեյության մասին զեկուցումներ են տալիս վարկային ընկերությունների ընդհանուր ժողովներում, ինչպես և նըրանց վարչության ու խորհրդի նիստերում:

2. Անհրաժեշտ գտնել վարկընկերությունների ընդհանուր ժողովներում փոկերից ներկայացուցիչներ ընտրել վարկընկերությունների վարչության և խորհրդի մեջ:

3. Փոխոգնության ընկերությունների չքավոր անդամներից վստահություն վայելող անձանց առաջ քաշել վարկընկերությունների վարչական և ղեկավար մարմիններում:

4. Գյուղբանկում և վարկային ընկերություններում, չքավորական ֆոնդի բաշխման հանձնաժողովներ կազմելիս փոխոգկոմիներից ներկայացուցիչներ ընտրել:

5. Միանգամայն անթույլատրելի համարել փոկերի միջամբ-
տությունը վարկային ընկերությունների կազմակերպչական և
ոպերատիվ աշխատանքներին, վորպիսի հանգամանքը անկասկած
կը թուլացնի վարկընկերությունների ինքնագործունեյությունը,
ու խոչընդոտ կը հանդիսանա վերջիններիս ծրագրային աշխա-
տանքներին:

6. Անհրաժեշտ և նաև վերջ տալ այն սխալ թեքումներին,
վոր հայտնաբերում են մի շարք փոկեր՝ վարկավորման աշխա-
տանքներին նպաստավորման ձև տալով: Փոկերի միջոցներից
գյուղացիության վարկավորման շրջանում տրվելիք վարկերը ձե-
վակերպել բանկային սկզբունքներով՝ առաջնորդվելով վարկի վե-
րադարձման անհրաժեշտությամբ:

7. Փոխոգկոմներն իրենց անդամների վարկավորումը պետք
և կատարեն տեղական վարկային ընկերությունների միջոցով,
նախապես մուծելով համապատասխան գումարներ: Նման դեպքե-
րում վարկընկերությունները պետք և հանդես գան փոխոգկոմների
բաշխելիք վարկերը ճիշտ ձևակերպողի դերում:

8. Փոխոգկոմները պետք և ընկերության անդամներից ան-
հրաժեշտ թվով անդամագրին վարկընկերություններին, ըստ վո-
րում փոկերը մուծում են վարկընկերությունները նրանց փոխա-
րեն փայավճարներ:

9. Փոկերը և նրանց կից գործող վերստուգիչ հանձնաժո-
ղովները պետք և հսկեն, վորպեսզի իրենց անդամները ստացած
փոխատվությունները չգործադրեն նպատակից դուրս, և այդ նպա-
տակով հսկողություն կատարեն իրենց անդամների միջոցով:

Վարկային ընկերությունների միջոցներից չքավորներին
վարկավորելիս փոկերը պարտավոր են տալ վարկատու հիմնարկ-
ներին իրենց որչեկտիվ յեզրակացությունը վարկի կարիք ունեցող
տվյալ անհատի անձնական և տնտեսական հատկությունների վե-
րաբերյալ, նրա ստացվածքի վարկի չափի մասին, այլ և վարկի
գործադրման նպատակի, ժամկետի և վարկավորելու հնարավո-
րության մասին՝ յերաշխիքներ:

10. Փոկերը պետք և մասնակցին «չքավոր. ֆոնդերի» կազ-
մակերպմանը, պետական և հասարակական միջոցներից հատկա-
ցնելով ըստ իրենց նյութական հնարավորության համապատաս-
խան գումար՝ այդ նպատակով գյուղբանկում և վարկընկերու-
թյուններում կազմակերպվելիք ֆոնդերին:

11. Փոկերը պետք և աշխատեն ուժեղացնել վարկային ըն-

կերություններէ միջոցները, ի պահ տալով վերջիններէս իրենց ազատ գումարները, իբրեւ ավանդ: Այդ նպատակով անհրաժեշտ համարել վորպեսզի փոկերը իրենց ունեցած ապրանքային ֆոնդերը դրամի վերածեն՝ կարևոր դեպքերում ոգտագործելով վարկընկերություններէ ապարատը: Վարկային ընկերությունները փոկերի առաջադրած խնդիրներէ կենսագործումը չթուլացընելու նպատակով, իրենց կողմից պետք և անպայմանորեն առանց ձգձգելու վերադարձնեն տրված ավանդները պահանջված ժամկետներում:

12. Փոկերի դրամական գործարքները (բանկային բնույթ կրող ոպերացիաները, այսինքն՝ փոխադրությունները, ինկասսո և այլն) ըստ հնարավորության պետք և կատարեն վարկային ընկերությունների և գյուղրանկի միջոցով:

13. Անհրաժեշտ և, վորպեսզի յուրաքանչյուր փոկ իր նյութական միջոցների սահմաններում անդամագրվի տեղական վարկընկերությանը:

14. Փոկերն իրենց անդամներին ոգնելու նպատակով պետք և ձգտեն ամեն կերպ, վորտեղ այդ հնարավոր և, ոգտագործել վարկընկերություններին կից գոյություն ունեցող ձեռնարկները, (տըրակտորային բազա, սերմդտիչ կայան, վերանորոգող արհեստանոց և այլն): Միաժամանակ փոկերը հնարավոր ոժանդակություն են ցույց տալու այդ ձեռնարկություններին:

15. Անհրաժեշտ գտնել, վոր վարկընկերությունները հնարավորության սահմաններում վարկավորեն փոկերի ս.րտադրական, գյուղատնտեսական բնույթ կրող ձեռնարկները: Վարկավորման ասպարիզում փոկերն ոգտվելու յեն այն արտոնություններից, վորոնք սահմանված են գյուղատնտեսական կոլլեկտիվների համար:

16. Հանձնարարել Հայփոխոգկենտկոմին՝ Գյուղատնտեսական Բանկի հետ կնքել համաձայնագիր, վորը պետք և ընդգծի վարկային ընկերություններում փոխադարձ ոգնության կոմիտեների կողմից պահ տրվելիք գումարների և ավանդների պայմանները, այլ և վարկընկերությունների միջոցներից, ինչպես և փոկերի ֆոնդերից վարկեր տալու պայմանները:

ՀԱՄԱԶԱՅՆԱԳԻՐ

Ի կատարումն փոխոգկոմիների համահայաստանյան 2-րդ համագումարի այն վորոշումների, վոր վերաբերում են գյուղավարկի սխառեմի և փոխոգկոմիների փոխհարաբերություններին, Հ.Ս.Խ.Հ. ԳՅՈՒՂԱՏՆՏԵՍԱԿԱՆ ԲԱՆԿԸ, վորը հետագայում կոչվելու յե «ՀԱՅԳՅՈՒՂԲԱՆԿ» հանձինս իր վարչության նախագահ՝ ՌՈՒԲԵՆ ՆԻԿՈՂԱՅՈՍԻ ՍԱՖՐԱԶԲԵԿՅԱՆԻ մեկ կողմից և ՀԱՅԿԵՆՏՓՈԽՈՒԳԿՈՄԸ, վորը ստորև կոչվելու ե «ԿԵՆՏՓՈԿ» հանձինս իր նախագահ՝ ԽՈՐԵՆ ԳՐԻԳՈՐԻ ՀՈՎՍԵՓՅԱՆԻ մյուս կողմից, կնքեցինք հետևյալ համաձայնագիրը.—

1. ԿԵՆՏՓՈԿԸ պարտավորվում ե միջոցներ ձեռք առնել յերկու ամսվա ընթացքում, հաշվելով սույն համաձայնագիրը ստորագրելու օրից, մուծել շրջաններում համապատասխան վարկ. ընկերությունների դրամարկղը փոխոգկոմիների բոլոր ազատ դրամական միջոցները, իբրև ավանդ:

2. Գյուղատնտեսական ընթացիկ սեզոնի ժամանակամիջոցում կենսփոկը պարտավոր ե ուսուցիչացիայի յենթարկել փոխոգկոմիների այն ապրանքները, վորոնք արտադրական բնույթ չունեն և դրանից գոյանալիք միջոցները նույնպես մուծել վարկ. ընկերությունների դրամարկղը, իբրև ավանդ: Հայգյուղբանկը իր հերթին պարտավորվում ե միջոցներ ձեռք առնել փոխոգկոմիների կողմից դիմում լինելու դեպքում ապահովել վարկ. ընկերությունների աջակցությունը՝ հիշյալ ապրանքները հաջողությամբ վաճառելու, ոգտագործելով վարկ. ընկերությունների ապարատը, ըստ վորում վարկ. ընկերությունները ստանում են փոխոգկոմիներից նրանց ապրանքները վաճառելու համար կատարված փաստացի ծախսերի հատուցումը:

Ծանոթություն.— Հանձնարարվում ե կենսփոկին հրատարակել այն ապրանքների ցանկը, վոր վաճառվելու յեն վարկ. ընկերությունների միջոցով:

3. Ավանդների համար գյուղավարկի սխառեմը վճարում ե՝ անժամկետների համար 7⁰/₀, առնվազն 6 ամիս ժամկետով՝ 8⁰/₀ առնվազն մեկ տարի ժամկետով, 9⁰/₀: Փոխոգկոմիների կողմից վարկ. ընկերություններին ավանդ տրվող բոլոր միջոցները:

ըը Հայգյուղբանկը ապահովում է ամենայն կորստից և պարտավորվում է կորստյան դեպքում գյուղբանկի դրամարկղից անմիջապես վճարել հիշյալ գումարները։ Միաժամանակ Հայգյուղբանկը յերաշխավորում է, վոր վարկ, ընկերությունները ավանդները ժամանակին վերադարձնեն։ Վարկ, ընկերությունների անճշտապահության յուրաքանչյուր դեպքում կենսափոկը տեղերից ստանալով համապատասխան տեղեկանք, անմիջապես հայտնում է Հայգյուղբանկին, վորը պարտավորվում է 24 ժամվա ընթացքում վճարել պահանջված գումարը։

4. Այն դեպքում, յեթե փոխոգկոմները ցանկանան ժամկետային ավանդը հետ ստանալ ժամկետից շուտ, պարտավոր են յերկու շաբաթ առաջ հայտնել այդ մասին վարկ, ընկերությանը։ Վերջին դեպքում տոկոսները հաշվում են անժամկետ ավանդների համար ընդունված չափով։

5. Կենսափոկը պարտավորվում է առաջիկա յերկու ամսվա ընթացքում միջոցներ ձեռք առնել փոխոգկոմներին վարկ, ընկերություններում անդամագրելու, ըստ վորում փայավճարի նվազագույն չափը սահմանում են տվյալ փոկի դրամագլխի և անդամների թվի, սակայն վոչ պակաս քան անհատ անդամների փայավճարի կրկնապատիկ չափով։ Վարկ, ընկերությունների անդամ փոխոգկոմներն ոգտվում են այն բոլոր իրավունքներից, արտոնություններից և կատարում են այն բոլոր պարտականությունները, վոր նախատեսնված են վարկ, ընկերությունների կանոնադրությամբ։

6. Գյուղբանկը պարտավորվում է միջոցներ ձեռք առնել, վոր վարկ, ընկերությունները նոր անդամներ ընդունեն գլխավորապես փոխոգկոմների անդամներից՝ փոխոգկոմների առաջարկությամբ, ըստ վորում փայավճարները մուծվում են այդ անհատների կողմից վարկ, ընկերությունների կանոնադրությամբ նախատեսնված չափով։ Փոխոգկոմները, իրենց չքավոր անդամների համար, իրենց նյութական դրության համեմատ փայավճարներ են մուծում իրենց միջոցներից։

7. Փոխոգկոմների անդամների վարկավորման կարգը՝ փոխոգկոմների հաշվին, սահմանվում է հետևյալ ձևով։

ա. Այն դեպքում, յերբ փոխոգկոմը անհրաժեշտ համարի լրացուցիչ կերպով վարկավորել յուր անդամներին, վորոնք միաժամանակ և վարկ, ընկերության անդամ են, վարկ, ընկերությունը նախապես այդ մասին գրավոր առաջարկ ստանալով հա-

մապատասխան փոխոգկումից և համաձայնության գալով վերջի-
նիս հետ վարկավորվող վարկի չափի մասին, վարկ է բաց անում
նրա համար գյուղավարկի սխառեմում ընդունված հիմունքներով,
այն է՝ մատնանշելով վարկի նպատակը, ժամկետը, տոկոսաչափը
(բայց վոչ ավելի, քան վարկ. ընկերությունների սահմանած
տոկոսների չափը) և մյուս պայմանները, վոր նախատեսված
են համապատասխան վարկերի համար: Տրված դումարը համա-
պատասխան փոխոգկումի ընթացիկ հաշվից դուրս է գրվում, ըստ
վորում փոխառվությունը ձևակերպելուց հետո, վարկ. ընկերու-
թյունները պարտագիր են տալիս փոխոգկումին, վորպիսի պար-
տագիրը, ժամկետը լրանալուց հետո, վարկ. ընկերությունների
կողմից մարվում է:

բ) Այն դեպքում, յերբ փոխոգկումի անդամը վարկ. ընկե-
րության անդամ չէ, վարկ. ընկերությունը համաձայն «ա» կետի
պայմանների, ձևակերպում է վարկը, վորը և համարվում է
հանձնարարակոն գործառնություն:

Համապատասխան գումարի չափով արգելանք է դրվում ըն-
թացիկ հաշվի վրա, ստացված պարտագիրը պահվում է ընկերու-
թյան մոտ մինչև ժամկետը լրանալը: վարկ. ընկերությունները
պարտավորվում են ամեն միջոց ձեռք առնել փոխառվությունը
ժամկետին գանձելու համար, վորից հետո մատնանշված արգե-
լանքը վերացվում է:

գ) վարկ. ընկերությունն իր փոխառվությունների ու փո-
խառությունների համար տոկոս է վճարում, համաձայն գյուղ-
վարկի սխառեմում ընդունված դրույքների, ըստ վորում տոկոս-
ների տարբերություն է ստանում յերկարատև փոխառվություն-
ների համար՝ 20/0, կարճատև փոխառվությունների համար 30/0
իր կազմակերպչական ծախքերը ծածկելու համար:

դ) վարկ. ընկերությունը պարտավորվում է փոխոգկումնե-
րի առաջին իսկ պահանջի դեպքում հաշիվ տալ նրանց համար
կատարած գործառնությունների մասին, իսկ ընդհանուր կարգով
? ամիսը մեկ անգամ:

8. Ջրավորությանը ցույց տրվող ոգնությունն ուժեղացնե-
լու նպատակով, կենսափոկը պարտավորվում է առաջին յերկու
ամսվա ընթացքում միջոցներ ձեռք առնել, վոր յուրաքանչյուր
փոխոգկում ամեն տարի յուր յեկամտային միջոցների 50/0-ը մու-
ծի վարկ. ընկերություններին առնթեր գործող «Ջրավորու-
թյան վարկավորման հատուկ ֆոնդը»: Հիշյալ գումարների դիմաց

վարկ. ընկերությունները պարտավորվում են առնվազն յեռասուսիս չափով վարկեր տալ փոխոգկոմիների այն չքավոր անդամներին, վորոնք անդամակցում են վարկ. ընկերությանը, ըստ վորում վարկավորվողների ընտրությունը կատարվում է համաձայն գերադաս մարմինների կողմից չքավորության վարկավորման ֆոնդերի մասին ընդունված կանոնադրության:

9. Կենսափուլը պարտավորվում է միջոցներ ձեռք առնել փոխոգկոմիների դրամական գործառնությունները կատարելու վարկ. ընկերությունների միջոցով, յեթե միայն պայմանները նույնն են, ինչ մյուս վարկային կազմակերպություններում:

10. Յերկու կողմերն ել պարտավորվում են միջոցներ ձեռք առնել, վորպեսզի այն վայրերում, վորտեղ վարկընկերություններին և փոխոգկոմիներին կից արտադրական կազմակերպություններ կան, նման կազմակերպություններ չըստեղծեն հակառակ կողմերին կից և իրենց ստորին ցանցի անդամների համապատասխան կարիքները հոգան վարկ. և փոխոգ. ընկերություններին կից գործող արտադրական կազմակերպությունների միջոցով:

Հայգյուղբանկը և Կենսափուլը իրենց հերթին պարտավորվում են միջոցներ ձեռք առնել, վորպեսզի վարկային և փոկի ըստորին ցանցին առընթեր արտադրական կազմակերպությունները ոգնություն ցույց տան փոխոգկոմիների անդամներին և վարկ. ընկերություններին այն պայմաններով և հիմունքներով, վորոնք գոյություն ունեն յուրաքանչյուր կազմակերպության համար:

Միաժամանակ յերկու կողմերն ել միջոցներ են ձեռք առնում, վորպեսզի տեղերի իրենց որդանները փոխադարձ աջակցություն ցույց տան արտադրական կազմակերպություններին նրանց գործունեյության ասպարիզում:

11. Հայգյուղբանկը պարտավորվում է միջոցներ ձեռք առնել, վորպեսզի փոխոգկոմիներին առընթեր գործող արտադրական ձեռնարկությունները կարիքի դեպքում վարկավորվեն Գյուղվարկի սիստեմի կողմից հետևյալ պայմաններով. —

ա) Վարկ. ընկերությունների անդամ — փոխոգկոմիները պարտավորվում են, յերկու ամսվա ընթացքում ներկայացնել վարկ. ընկերություններին 1926 — 27 թ. արտադրական ծրագիրը, սպասվելիք շահի մանրամասն պատճառաբանությունը և այն նկատառումները, վոր կարող են ավելի ևս պարզաբանել հարցը:

բ) Վարկ. ընկերությունը համապատասխան փոխոգկոմի հետ միասին քննում են հիշյալ ծրագիրը և համաձայնեցնելով

միմիանց հետ, լրացուցիչ կերպով մտցնում են համապատասխան
ընկերության ծրագրի մեջ և ուղարկում Հայգյուղբանկին:

Ծանոթություն.—Հետագայում փոխոգկոմիների ծրագրերը ներ-
կայացվում են այն ժամկետներին, յերբ վարկ. ընկերու-
թյուններն են ներկայացնում իրենց ծրագրերը:

գ) Փոխոգկոմիների արտադրական ծրագրերը վերջնականա-
պես հաստատվում են Հայգյուղբանկի կողմից՝ համաձայնեցրված
կենտրոնի հետ:

դ) Ծրագրերը հաստատելուց հետո, Հայգյուղբանկը համապա-
տասխան վարկ և մտցնում վարկ. ընկերությունների ծրագրի մեջ:

յե) Փոխոգկոմիները վարկավորվում են գյուղատնտեսական
մասնագիտական ընկերությունների համար սահմանված հի-
մունքներով:

զ) Հայգյուղբանկն իր հաշվին վարկավորում և փոխոգկոմ-
ների այն արտադրական կադմալերպություններին, վորոնց նը-
պատակն և գյուղատնտեսական ասպարիզում ոգնել գյուղի չքա-
վոր խավերին փոխադարձ ոգնության և հասարակական աշխա-
տանքների հիմունքներով:

ը) Հայգյուղբանկն իր հաշվին վարկավորում և փոխոգկոմի-
ներին նրանց հանձն առած պատասխանատվության սահմաններում,
ի բացառյալ փոկերի այլ պարտավորությունները:


12. Գյուղատնտեսական Բանկը պարտավորվում և ձևակեր-
պել տեղերի վարկային մարմինների միջոցով փոխոգկոմիների
կողմից իրենց ընկերության անդամներին տված և ժամկետը չը լը-
րացած բոլոր վարկերը, համաձայն սույն համաձայնագրի 7-րդ
հոդվածի «ա» և «բ» կետերի:

13. Փոկերի և վարկ. ընկերությունների միջև գոյություն
ունեցող նախկին բաց հաշիվներն ու պարտքերը չեն տարածվում
նոր ավանդների ու գործառնությունների վրա, վորոնք նախա-
տեսնված են սույն համաձայնագրի բովանդակությամբ:

14. Սույն համաձայնագրի իսկականը ստորագրվում և յեր-
կու որինակից, վորոնցից մեկը պահվում և Գյուղբանկի գործե-
րում, իսկ մյուսը կենտրոնի գործերում:

Գյուղատնտեսական Բանկի
վարչության նախագահ՝
Ռ. ՍԱՖԻԱԶԻԱՆ


Սոցալիստիկական Հայփոխ-
ոգկոմի նախագահ՝
Խ. ՀՈՎՍԵՓԵԱՆ



55733

II
23869

A



ԳԱԱ Հիմնարար Գիտ. Գրադ.



FL0003092

[054.]

A $\frac{\text{II}}{23769}$